

Broj: 03-04-469-3/2024  
Sarajevo, 07.01.2025. godine

**PARLAMENT FEDERACIJE BOSNE I HERCEGOVINE**

**Predstavnički dom**

n/p gosp. Slaven Raguž, poslanik *u*  
n/p gosp. Ivan Miličević, sekretar

Bosna i Hercegovina  
Federacija Bosne i Hercegovina  
**PARLAMENT FEDERACIJE  
SARAJEVO**

Primljeno:		10-01-2025	
Org. jed.	Broj	Priloga	Vrijednost
05/1	-02-	605	124

**PREDMET: ODGOVOR NA POSLANIČKU INICIJATIVU**


Poštovani,

U prilogu Vam dostavljam akt Federalnog ministarstva poljoprivrede, vodoprivrede i šumarstva, broj: 11-02-2163/24 od 27.12.2024. godine, koji sadrži odgovor na poslaničku inicijativu, koju je podnio poslanik Slaven Raguž.

S poštovanjem,

**SEKRETAR VLADE**

**dr. sci. Edita Kalajdžić**



Prilog: kao u tekstu

BOSNA I HERCEGOVINA  
FEDERACIJA BOSNE I HERCEGOVINE  
Federalno ministarstvo poljoprivrede,  
vodoprivrede i šumarstva

BOSNIA AND HERZEGOVINA  
FEDERATION OF BOSNIA AND HERZEGOVINA  
Federal Ministry of Agriculture, Water  
Management and Forestry

Broj: 11-02-2163/24  
Sarajevo, 27.12.2024.godine

Gosp. Slaven Raguž  
Zastupnik Zastupničkog-Predstavničkog doma  
Parlamenta Federacije Bosne i Hercegovine

PARLAMENT FEDERACIJE BOSNE I HERCEGOVINE  
ZASTUPNIČKI DOM-PREDSTAVNIČKI DOM  
n/r sekretara

BOSNA I HERCEGOVINA  
FEDERACIJA BOSNE I HERCEGOVINE  
GENERALNI SEKRETARIJAT  
VLADE FEDERACIJE BOSNE I HERCEGOVINE ✓  
n/r sekretara Vlade F BiH

BOSNA I HERCEGOVINA  
FEDERACIJA BOSNE I HERCEGOVINE  
Vlada  
Sarajevo

PRIMLJENO: 07.01.2025			
Organizacione jedinica	Klasifikaciona oznaka	Redni broj	Broj priloga
03-04-469-3/2024			

PREDMET: Odgovor-dostavlja se;-  
VEZA: Vaš akt broj: 03-04-469-3/24 od 12.11.2024. godine

Poštovani,

Postupajući u skladu sa aktom Sekretara Vlade F BiH broj i datum označeni u vezi, a koji se odnosi na inicijativu koju je podnio Slaven Raguž, zastupnik u Zastupničkom domu Parlamenta Federacije BiH, dostavljenu aktom predsjedatelja Zastupničkog doma Parlamenta Federacije BiH broj: 05/1-02-605/24 od 08.11.2024. godine, vezano za postupanje po žalbi PPG "DRIJEN" Stolac, vl. Niko Raguž, dajemo sljedeći


**ODGOVOR**

Rješavajući u drugostepenom postupku po žalbi PPG "DRIJEN", Stolac, vl. Niko Raguž, Humska bb, Stolac, izjavljenoj na rješenje Ministarstva poljoprivrede, šumarstva i vodoprivrede Hercegovačko-neretvanskog kantona broj: UP/I 03-20-5063-1/24 od 29.10.2024. godine, obavještavamo Vas da je Federalno ministarstvo poljoprivrede, vodoprivrede i šumarstva odlučilo po predmetnoj žalbi i donijelo Rješenje broj: UP-II-11-20/6-237-1/24 od 10.12.2024. godine.

Ministarstvo poljoprivrede, šumarstva i vodoprivrede Hercegovačko-neretvanskog kantona će navedeno rješenje u skladu sa članom 245. Zakona o upravnom postupku ("Službene novine Federacije BiH", br. 2/98, 48/99 i 61/22) dostaviti stranci u roku od pet dana od dana prijema spisa.

S poštovanjem,

MINISTAR

  
Kemal Hrnjić

Broj: 03-04-469-3/2024  
Sarajevo, 07.01.2025. godine

Bosna i Hercegovina  
Federacija Bosne i Hercegovine  
**PARLAMENT FEDERACIJE  
SARAJEVO**

**PARLAMENT FEDERACIJE BOSNE I HERCEGOVINE**

Primljeno: 10-01-2025			
Org. jed.	Broj	Priloga	Vrijednost
05/1	-02-	636	124

**Predstavnički dom**

n/p gosp. Slaven Raguž, poslanik  
n/p gosp. Ivan Miličević, sekretar

**PREDMET: ODGOVOR NA POSLANIČKU INICIJATIVU**

Poštovani,

U prilogu Vam dostavljam akt Federalnog ministarstva okoliša i turizma, broj: 05/1-19-4-943/24 od 31.12.2024. godine, koji sadrži odgovor na poslaničku inicijativu, koju je podnio poslanik Slaven Raguž.

S poštovanjem,



**SEKRETAR VLADE**

**dr. sci. Edita Kalajdžić**

Prilog: kao u tekstu

Broj: 05/1-19-4-943/24  
Sarajevo, 31. 12. 2024. godine

**BOSNA I HERCEGOVINA**  
**FEDERCIJA BOSNE I HERCEGOVINE**  
**VLADA**  
**Hamdije Čemerlića 2**  
**71 000 Sarajevo**

BOSNA I HERCEGOVINA  
FEDERACIJA BOSNE I HERCEGOVINE  
VLADA  
Sarajevo

PRIMLJENO:	03.01.2025		
Organizaciona jedinica	Klasifikacija	Radni broj	Broj prijega
03-04-469-3/2024			

**Predmet:** Zastupnička inicijativa, dostavlja se izjašnjenje -  
**Veza:** Vaš akt broj: 03-04-469-3/24 od 11.12.2024. godine

Vašim aktom, broj i datum iz veze, dostavili ste ovom federalnom ministarstvu zastupničku inicijativu, koju je podnio zastupnik Slaven Raguž, a koja je Vladi Federacije Bosne i Hercegovine dostavljena aktom predsjedatelja Zastupničkog doma Parlamenta Federacije Bosne i Hercegovine broj: 05/1-02-636/24 od 10.12.2024. godine.

U vezi gore navedene inicijative **obavještavamo vas slijedeće:**

- Federalno ministarstvo je izdalo Rješenje kojim se **utvrđuje da za Projekat izgradnje Vjetroelektrane „Poklečani“ instalirane snage 132 MW, Općina Posušje, nije potrebno dalje provođenje procjene uticaja na okoliš putem izrade Studije uticaja na okoliš, broj: UPI 05/1-02-19-4-81/23 od 31.08.2023. godine (u daljem tekstu "Rješenje")**,
- Rješenje je izdato na osnovu čl. 65. i 71. Zakona o zaštiti okoliša („Službene novine Federacije BiH“, broj 15/21) i člana 7. stav (1) tačka a) Uredbe o projektima za koje je obavezna procjena uticaja na okoliš i projektima za koje se odlučuje o potrebi procjene uticaja na okoliš („Službene novine Federacije BiH“ broj 51/21, 33/22 i 104/22) i člana 200. Zakona o upravnom postupku („Službene novine Federacije BiH“ br 2/98, 48/99 i 61 /22), rješavajući po zahtjevu stranke JP „Elektroprivreda HZ HB“ d.d. Mostar,
- U zahtjevu za provođenje prethodne procjene utjecaja na okoliš izrađenom od strane ovlaštene konzultantske kuće Zagrebinspekt d.o.o., Mostar – broj: 01-2-Rev1-119-III/23 od lipnja 2023. godine, a na temelju kojeg je, nakon provedene procedure javnih konsultacija i drugih upravnih radnji predviđenih Zakonom o zaštiti okoliša predmetno rješenje izdato, navedeno je sljedeće (citirano):

*„Dio zemljišta je u državnom vlasništvu odnosno u vlasništvu DR SV Šumska uprava, a dio je u privatnom vlasništvu. Zemljište na kojem će se nalaziti planirani objekt je predmet „Odluke o dodjeli koncesije Javnom poduzeću „Elektroprivreda HZ HB“ d. d. Mostar za izgradnju i korištenje vjetroelektrane „Poklečani“ na lokaciji Rakitno, Općina Posušje“, (Narodne novine Županije Zapadnohercegovačke, broj: 5/23 i 9/23) Na temelju navedenih Odluka, Vlada Županije Zapadnohercegovačke i JP „Elektroprivreda HZ HB“ d. d. Mostar zaključili su Ugovor o koncesiji za izgradnju i korištenje vjetroelektrane „Poklečani“ na lokaciji Rakitno, Općina Posušje, br. I-3199/23, od 18.4.2023.god.“*

#### **„Sječa šume**

*Za potrebe izgradnje također će biti potrebno posjeći određenu količinu šumske vegetacije. Točna površina šumskog zemljišta na kojem će biti izvršena iznosi cca. 2,25 ha te se može reći da je površina šume predviđena za sječu za smještaj vjetroagregata i pristupnih mala u odnosu na površinu koncesijskog područja. Uz svako stupno mjesto bit će potrebno pripremiti plato za sastavljanje rotora i lopatica te za smještaj dijelova stubova prije sastavljanja. Nakon završetka izgradnje i nakon što privremene strukture budu uklonjene, na pogodnim područjima će se izvršiti pošumljavanje, a kao kompenzacija za posječenu količinu šume, investitor će na*

drugom pogodnom mjestu (uz konzultacije sa lokalnom zajednicom i nadležnom upravom za šume) pošumiti površinu istovjetnu posječenoj.“

**“Mjere za smanjenje utjecaja na krajolik:**

- Sječu šume svesti na najmanju moguću mjeru.

- Nakon završetka izgradnje i nakon što privremene strukture budu uklonjene, na pogodnim područjima će se izvršiti pošumljavanje, a kao kompenzacija za posječenu količinu šume, investitor će na drugom pogodnom mjestu (uz konzultacije sa lokalnom zajednicom i nadležnom upravom za šume) pošumiti površinu istovjetnu posječenoj”

**„Razlozi zbog kojih nije potrebno dalje provoditi postupak procjene uticaja na okoliš su sljedeći:** Nakon provedenog navedenog postupka i utvrđenog činjeničnog stanja, izvršena je ocjena svih dokaza koji su priloženi uz zahtjev, kao i mišljenja subjekata koja su dostavljena Ministarstvu prema članu 70. stav (3) Zakona. Na to činjenično stanje i dokaze, primijenjena je ček lista iz člana 6. stav (5) Uredbe, pa je utvrđeno da u ovom slučaju nije potrebno dalje provođenje procjene uticaja na okoliš putem izrade studije uticaja na okoliš za ovaj projekat kako je i navedeno u dispozitivu ovog rješenja.“

„Zemljište na kojem će se nalaziti planirani objekt je predmet „Odluke o dodjeli koncesije Javnom poduzeću „Elektroprivreda HZ HB“ d. d. Mostar za izgradnju i korištenje vjetroelektrane „Poklečani“ na lokaciji Rakitno, Općina Posušje“, (Narodne novine Županije Zapadnohercegovačke“, broj: 5/23 i 9/23). Na temelju navedenih Odluka, Vlada Županije Zapadnohercegovačke i JP „Elektroprivreda HZ HB“ d. d. Mostar zaključili su Ugovor o koncesiji za izgradnju i korištenje vjetroelektrane „Poklečani“ na lokaciji Rakitno, Općina Posušje, br. I-3199/23, od 18.4.2023.god. Odluka o proglašenju javnog interesa i pristupanju i pripremi i izgradnji prioriternih elektroenergetskih objekata u FBiH V broj: 1292/2021 od 19.08.2021. godine („Službene novine Federacije BiH“, broj 67/21).“ (kraj citata).

Udruženje „Resursni Arhus centar u BiH,“ je podnijelo tužbu koja je zaprimljena u ministarstvu 13. 03. 2024. godine radi nepravilno primijenjenog materijalnog zakona, kršenja pravila postupka i pogrešno utvrđenih zaključaka u pogledu činjeničnog stanja u procesu donošenja pobijanog akta. Federalno ministarstvo okoliša i turizma je u zakonskom roku, dana 01.04.2024. godine Kantonalnom sudu u Sarajevu dostavio odgovor na tužbu. Ovo ministarstvo je 28.11.2024. godine zaprimilo Rješenje br 090 U 046279 24 U od 26.11.2024. godine, Kantalnog suda u Sarajevu kojom se tužba Udruženja „Resursni Arhus centar u BiH,“ odbacuje.

**Nadalje konstatiramo da se tehnički podatci o krčenju cca. 2,25 ha šume u Rješenju ovog Ministarstva broj: UPI 05/1-02-19-4-81/23 od 31.08.2023. godine, ne slažu sa podacima navedenim u Rješenju Ministarstva gospodarstva Županije Zapadnohercegovačke, kojim se dozvoljava krčenje cca 35 ha šume, broj: 05-05-26-1807/23 od 16.11.2023. godine, iako je Rješenje ovog Ministarstva priloženo uz zahtjev za krčenje šume radi promjene namjene šumskog zemljišta u građevinsko zbog izgradnje VE Poklečani, za što se ovo Ministarstvo ne može smatrati odgovornim.**

Federalno ministarstvo je za predmetni projekat provelo prethodnu procjenu utjecaja na okoliš, a dalje provođenje procjene utjecaja na okoliš izradom Studije utjecaja na okoliš nije potrebno iz sljedećih razloga:

- Navedena aktivnost se ne nalazi u Prilogu I Uredbe o projektima za koja je obavezna procjena utjecaja na okoliš i projektima za koje se odlučuje o potrebi procjene utjecaja na okoliš („Službene novine Federacije BiH“ broj: 51/21, 33/22 i 104/22),

- Na temelju kriterija iz priloga IV. Uredbe, o karakteristikama projekta, lokaciji projekta, karakteristikama potencijalnog uticaja, te uticaja koji su opisani u Zahtjevu investitora,

- Uključivanjem javnosti i zainteresirane javnosti, na osnovu primjedbi i komentara koji su dostavljeni u zakonskom roku, a sadržani su u Rješenju, konstatirano je da tokom rada neće biti značajnih uticaja na okoliš i zdravlje ljudi, a mjere zaštite okoliša tokom eksploatacije sadržane su u tački 3. dispozitiva Rješenja.

Ponovno napominjemo, da u predmetnom Zahtjevu nije bilo navedeno da će se vršiti krčenje šume površine cca 35,5 ha niti se predmetno Rješenje na isto odnosi.

Vrijedi podsjetiti da je shodno tački 4 Rješenja predviđeno da:

**"u slučaju promjene u radu investitor je dužan u vezi sa istim obratiti se Federalnom ministarstvu okoliša i turizma, kako bi se primijenile odredbe poglavlja IX Zakona o zaštiti okoliša (Procjena utjecaja na okoliš) i Uredbe o projektima za koje je obavezna procjena utjecaja na okoliš i projektima za koje Federalno ministarstvo odlučuje o potrebi procjene utjecaja na okoliš."**

U pogledu Vaših navoda, ovo federalno ministarstvo je poduzelo aktivnosti u okviru svojih nadležnosti i obratilo se investitoru zahtjevom za pojašnjenje činjeničnih navoda, a nakon zaprimanja odgovora će postupiti u skladu sa Zakonom.

S poštovanjem,



**Prilog:** kopija Zahtjeva za pojašnjenje činjeničnih navoda broj: 05/1-19-4-943/24 od 30.12.2024. godine

Dostaviti:

- Naslovu
- a/a

Broj: 05/1-19-4-943/24  
Sarajevo, 30. 12. 2024. godine

JP „Elektroprivreda HZ HB“ d. d. Mostar  
Ulica kralja Petra Krešimira IV, 6-A  
88 000 Mostar

31-12-2024  
Dobel

**Predmet:** Zahtjev za pojašnjenje činjeničnih navoda, dostavlja se -

Poštovani,

ovom federalnom ministarstvu je Vlada FBiH dostavila zastupničku inicijativu zastupnika Slavena Raguža, a koja je Vladi Federacije Bosne i Hercegovine dostavljena aktom predsjedatelja Zastupničkog doma Parlamenta Federacije Bosne i Hercegovine broj: 05/1-02-636/24 od 10.12.2024. godine.

U predmetnoj zastupničkoj inicijativi je navedeno da je investitor JP Elektroprivreda HZHB ishodovao rješenje Ministarstva gospodarstva Županije Zapadnohercegovačke broj:05-05-26-11807/23 od 16.11.2023. godine, kojim se dozvoljava krčenje Šume poradi izgradnje VE Poklečani, sukladno dostavljenom Geodetskom elaboratu prenamjene zemljišta broj: 11-1715/23, a u obrazloženju rješenja je navedeno da je ukupna površina šumskog zemljišta kojoj se dozvoljava krčenje šuma iznosi 355 147 m<sup>2</sup>, tj. cca 35,5 ha.

U obrazloženju rješenja Ministarstva gospodarstva ŽZH, navedeno je da je Rješenje ovog Ministarstva priloženo uz zahtjev za krčenje šume radi promjene namjene šumskog zemljišta u građevinsko u predmetnom slučaju.

Nadalje konstatiramo da se tehnički podatci o krčenju cca. 2,25 ha šume u Rješenju kojim se utvrđuje da za Projekat izgradnje Vjetroelektrane „Poklečani“ instalirane snage 132 MW nije potrebno dalje provođenje procjene uticaja na okoliš putem izrade Studije uticaja na okoliš - koje je izdalo ovo federalno ministarstvo, ne slažu sa podacima navedenim u Rješenju Ministarstva gospodarstva Županije Zapadnohercegovačke broj: 05-05-26-1807/23 od 16.11.2023. godine, kojim se dozvoljava krčenje cca 35 ha šume.

Naglašavamo da Zahtjev za PPUO niti Rješenje ovog Ministarstva broj: UPI 05/1-02-19-4-81/23 od 31.08.2024. godine ne sadrži podatak o krčenju šume površine cca 35,5 ha.

**Shodno tački 4. Rješenja ovog Ministarstva, dužni ste prijaviti promjenu na projektu, kako bi se primijenile odredbe poglavlja IX Zakona o zaštiti okoliša (Procjena utjecaja na okoliš) i Uredbe o projektima za koje je obavezna procjena utjecaja na okoliš i projektima za koje Federalno ministarstvo odlučuje o potrebi procjene utjecaja na okoliš.**

U skladu sa svim navedenim, očekujemo Vaše očitovanje i pojašnjenje činjeničnih navoda, u što je moguće kraćem roku.

S poštovanjem,

Dostaviti:

- Naslovu
- a/a

Rješenje izradila: *N. N. N.*  
Rješenje pregledala: *M. M. M.*  
Rješenje pregledao: *S. S. S.*



MINISTRIČICA  
*[Signature]*  
dr.sc. N. N. N. Pozder